

皇清文頴續編卷首五十

御製詩

七言古詩

得雨敬述

閏四月  
初三日

三春孟夏久不雨寸心恐懼時遑遑  
二麥失候已難穫旱氣又慮民罹殃

右壇致禱未蒙澤益凜乾惕增慙惶  
赦過宥罪徵解作權其輕重開銀鑰  
曷敢廢法博寬譽原情一線仍

推詳赦人之罪思予咎內省薄德謀弗臧川陝邪教  
終未淨褻脅黎庶肆猖狂怨毒鼓煽劫運重奚能感  
召

天降祥自愧才力實不逮痛念我

考呼

穹蒼人窮反本必

昭格閏夏三日甘霽滂夜半始降遂達晝疎密相間  
傾神漿玉墀積水逾數寸郊圻想像渥澤汪麥雖歉

收禾可種大田奢望農夫慶知感知懼敬述什洗甲  
尤殷

吳眷彰

經畧額勒登保奏報殲首逆龐洪勝痛勦匪  
衆千餘名又巡撫台布奏報在鳳縣堵禦各  
情形詩以紀事

賊之長技恃鋌走南山依險逋逃藪折回商雒復西  
奔出沒七十二峪口經畧雄師沿路搜兩甄直壓紅

巖溝逆匪欲遁遁無路千餘邪孽皆殲囚龐姓首逆  
係新附自舍田廬趨死路哀矜勿喜養仁心憫彼癡  
愚遭刦數前竄邪匪抵黑河幸有兵勇齊揮戈勦堵  
併力志聯絡何難一鼓除么膺五年征討未蕝事寸  
衷夙夜增惶愧敬顛

上天赦黔黎庶繼我

考愛民志

經畧額勒登保奏報各路俱有斬獲會芝秀二

股南竄過江情形詩以誌慰

事機將順輻湊奇盡叨

天佑非人為南山之中賊數百官兵壺綴謀難施鎮

臣截擊松樹壩逆黨搶竄漢江湄聚於安康紫陽得

全勦兵劫欲消潛轉移王廷冉學張世徐添龍紹高

二馬五蜂屯蟻聚陝蜀陲亟盼佳音連日至民安邪

淨蘇溺飢民罹昏墊予之咎民獲飽暖予心怡此志

不懈期必遂悲憶我

考望捷詩

叅贊德楞泰奏報痛剿高二大股賊匪殲戮生

擒解散者二千餘名詩誌感慰

高二馬五二賊罪實深戕官害民肆荼毒奔逃潛避

已經年由陝入甘復來蜀自川回竄突楚疆忽合忽

分斷仍續洵陽騙船渡漢江窺伺中州逞貪欲幸有

雄兵扼其前兩甄直達乾溝曲神鎗飛矢賊披靡作

孽奚能分石玉自慙薄德難治民舍正趨邪習流俗

願

天銷刼赦予愆春臺噫噫甘膏沃

參贊德楞泰奏報追剿青號賊匪首逆徐添德

落水淹斃及搜捕餘匪各情形詩誌感慰

徐

添德

王三

槐

二賊蜀倡亂一已伏誅一奔竄蔓延三省

害良民倚伏老林無忌憚惡孽滿盈刼數收冥誅兇  
逆付洪流佇看蕩滌餘邪盡早慰

在天望捷憂

曠覽臺作歌敬依

皇考元韻

作歌述民苦非關勝景酬敬體我

考惠鮮志旰宵惕厲憂民憂今夏畿甸澇災重九土  
餘郡縣廣袤河水泛溢幾無地所幸二麥穫尚優不  
遺餘力救衆姓大田失望全歉收登斯高臺凝遠眸  
永定決口未涸流又兼盼捷心悠悠予小子實增愧

愍恐辜



光澤衷佳懋

萬方安和歌

憲皇四字奕禩貽普願萬方咸皞熙十三年中如一

日勵精圖治鞏國基

皇考繼述永效法愛民勤政猶孜孜安求安兮治求  
治太和洋溢霑

恩施小子敬承

遺訓切曷敢弗勉心恭寅翹瞻殿額欲實踐邇遐綏

靖祈

昊慈

望蜀吟

事將蕺賊運蹇雄師周匝連層巘方期三逆疊殲擒  
喜音可卜春光轉忽傳獬狗西竄甘分我兵力機又  
舛縱賊遷延任奔馳償轅之罪難寬免所望雙雄竭  
忠誠督師追勦謀猷展深惜功虧一篑時別生枝節  
蘇殘喘經營六載未肅清才疎德薄增慙覩望蜀何

日救哀黎除邪和衆

遺謨闕

嘉平十日悅心殿視事後雪中觀水嬉卽景用

蘇軾聚星堂韻

千林素影搖寒葉應候長空降臘雪峯巔澗底遍迷  
漫俯臨閣道光清絕松欵綴絮舒老枝緩尋石磴沿  
曲折冰牀輾轉過島西吉爆傳聲互起滅襦袂跳盪  
匝地來奮迅星馳若電掣皚皚鳳羽舞離竒飈輪碾

碎芳葩纈依例行賞衆情孚又兆年康沐飛屑允符  
農諺祝美穰九天揮灑花生警授時尤願軍務佳步  
韻漫向吟壇說邪氛盡壓蝗蝻除布德施仁偃金鐵  
春溪泛舟卽景

河水盡解新波綠四山雪消春水足幾餘初試鏡中

遊舟名放棹湖洞碧溪曲三篙淺浪印鬚眉澄心晤對

清漣漪君猶舟兮民猶水大本有託關安危冬結春  
消同此水觀瀾可察盈虛理若於眼識論舊新膠柱

貽笑蒙莊子亭臺倒影塵不侵天上坐懷杜老吟授  
時忽又春已半田功將屆思爲緣

超然堂作歌

盤旋石磴千百丈春風春雲互摩盪數息肩輿始登  
峯舉頭只有天在上山堂據勝實超然俯視川原如  
指掌層層巖霧豁疎楹謾謾松濤送清響

聖日輝煌遍照臨簷楹

奎藻騰凡壤遊觀適可戒留連敬守

先言永欽仰

總督勒保奏報搜捕餘匪生擒老教首逆廣向

瑤等多名詩誌予意

光天化日肆披猖自作不靖徒跳梁蘖芽由楚及陝

蜀著名渠逆相繼亡從無一賊得漏網頑民何事于

憲章伏匿岩穴懼誅殛罪堪痛恨情堪傷總由守令

失教養不知禮義羣如狂楚樊

人傑陝苟文速就縛邪

氛全淨黎庶康敬體

上蒼好生德誕敷多福布澤洋勉酬  
考志修吏治四維整飭爲民防

塞山行

秋風獵獵吹山雲奇峯倏起林木分明霞五色互炫  
耀欲寫嵐黛難成文度嶺穿林復出谷卽鹿盤馬相  
追逐我朝弧矢首宜精詰戎  
家法綏藩服上蘭靈囿自昔開

祖

考行獨頻年來獻禽施惠賜諸部誠心翼戴國本培  
一發獲雋旋攬轡奚必買勇騁飛騎尚書垂訓予豈  
忘笑彼盈庭肆浮議

秋穫歌

嗟哉去歲澇災作九十州縣收成薄深感

上天好生仁今秋卽

賜九分穫民食旣足君舒懷胞與相關舟水託塞垣  
旋轡至密雲欣看黎庶咸安樂陝楚餘孽指日除培



養元氣調六幕勉竭誠敬報

考恩翹首

珠邱淚紛落

青蓮閣

無始以來有此山天然盤石大方廣誰倩公輸運巧  
思琢磨現出世尊像應感隨緣靡不周色見聲求空  
勞攘三花七寶總浮塵古月青峯作供養

千相寺

一身化作百千億金仙幻相偶遊戲現廣長舌妙聲  
聞永淨波旬衆生遂會傳洗鉢古澗濱欲示神奇轉  
近僞稽首能仁佑我民談經說偈非予事

還圓明園路經草橋一帶卽目成什

酉年夏月被澇災京邑西南汎平陸村舍蕩析憫流  
離煮賑散錢繼施粥攬轡經臨心測然斷壁頽垣破  
茅屋前歲靈潦實異常至今元氣未能復近郊罹患  
尙如斯顛連無告嗟遠服對茲增懼思民艱願

錫綬豐敷景福

瑤臺避暑歌

塵市炎歊無處避御園池榭多清涼瑤臺勝境尤奇  
妙連延三島波中央廣廈幽深遠暑氣喬柯翳蒼遮  
曦光瓊田珠樹古未見神仙之說終渺茫癡人酷信  
智者笑駐顏燒鍊念作狂養身大藥求諸已飲和食  
德誠良方

千尺雪歌

山中有泉出石間迴波激溜流潄潄浚絕壁窈窕盤曲  
折妙懸素練清溪灣岩磴無過五六級擬議豈從意  
想及命名十尺思入雲釀就飛雪瓊龔集高亦非幻  
低非真泉耶雪耶野馬塵成象在天成形地建中普  
濟吾兆民

扇薰榭

舜作五絃歌南薰阜民財兮解民愠繼堯首出亮天  
工闢門達聰兼好問愧予徒有希聖誠德薄未能孚

古訓三代以下人心澆幅員廣大分縣郡俗頑風敝  
爲已多私意間雜政治紊返躬修德竭肫誠萬幾繁  
簡寸田運

清暉閣避暑吟用唐杜甫曲江三章韻

筠簾半捲層閣高喬松謾謾翻雲濤披章隱几揮塵  
毛清虛爽塏不知暑炎蒸湫隘憐爾曹

治民莅政必師古渴望兵戢清宿莽黎元困苦難悉  
數休息蒼生漸小康如遭旱暵逢霖雨

地迴都忘伏暑天  
勅幾之暇親視田  
紗疏綠展右徑  
邊授時暄潤幸符願  
靜俟今秋報有年

繼德堂述志詩示在廷諸臣

繼

德額楣仰

先帝藐躬禱昧奚能繼  
知人則哲愧未臻  
大廷風氣實疲弊  
錚錚建白衆嗔嫌  
唯諾因循誇得計  
互相推諉各效尤  
不知幹國知自衛  
朋友受恩尙欲酬  
况沾

爵祿延後世捫心自問果安乎  
誦予詩者思勉勵

見蝗歎

今夏雨暘尚勻調六月連旬候微曠  
京尹摺奏有蟲災飛騰蠶食隴畝  
畔亟命搜捕恐蔓延皆云淨盡已  
星散嚮晨簷下閱章疏忽有飛蝗  
集御案因命中涓  
遍捕擒十餘螟螣階墀竄嗚呼  
此蝗胡爲來

上天警予恐怠玩田禾不登實  
大災君民休戚原一貫  
大吏食祿受國恩致君澤民盡  
忠幹虛美熏心總

浮夸實禍否塞悔失算吾非好諛惡直君奚用誕詞  
妄陳贊食稼之蝗幸得看食民之蝗益焦爛誌予之  
咎戒因循臣鄰細繹見蝗歎

隆福寺行宮述懷成長短句

人生失父母真覺無所依

考

妣望已渺心隨白雲飛白雲渺渺天高高臨秋祇聞  
風木號



裕陵泣拜代定省悲聲直貫長松濤况子承業撫九  
宇勉思

遺訓安率土昕夕難忘魂夢縈虔祈

鑒佑錫福普

昭陵石馬歌

天聰嗣統王業昌綏來諸部都瀋陽

躬親行陣申撻伐大白小白雙驪驪

聖人乘御經百戰羣神呵護咸馴良直抵北京仍返

言  
卷之二十一  
三十一  
轡巖城收服大烈揚十三萬兵聚松杏

疾馳六日如騰驥一鼓立時摧勁敵承疇歸順

義問彰

昭陵前石馬二一日大白一日小白  
太宗所御二馬名也是馬凡經百戰破陣

摧堅所向披靡而最著者則我太宗於松山杏

山大戰時疾馳六晝夜破明兵十三萬擒洪承疇遂

下錦州神謨制勝赫濯宣威亦是馬馳驅之力

也迄今肖形屹立猶想見戰場效績英氣如生而仗

衛神衢永依寶隧將傳二馬呈材成偉績

之萬禩而不朽其遭際亦云幸矣

肖形屹立

陵道傍鳳臆蘭筋具卓犖雄姿猛氣猶昂藏我

祖創業實艱苦

孫臣

瞻墓增感傷作歌述事示後嗣

得之馬上言毋忘穆滿八駿供遊騁雙龍天矯開封

疆漫勞汗血昇平世持盈紹

武哀敬獲

### 冷然閣歌

磴道盤折出霄漢勝境天成移步換試登層閣豁遠  
眸春風冷然捲雲幔縈青紆碧列峯崖高峙晴空萬  
笏排憑覽真如對古繪怡神暢可抒吟懷松梢蒼鬱

翠濤送俯視只覺枝柯衆  
凌虛漫擬小遊仙我心如  
鏡物如烟

冷然閣歌

背嶺右循崖東冷然閣據盤之中  
紆迴旋轉幾百級  
攀蘿緣壁登蠶叢峯巒環抱競奇秀  
蘊蓄真宰傲太  
空興雲化澤遍田野兆民受福荷  
歲豐窈而深復繚  
而曲更上極頂尤寵從老松千尺  
綠陰密惟石九仞  
古態雄洞天福地妙全括  
僊伶誰見遊閩風拈吟紀

勝暫留覽遠殊訪道尋崆峒

望雨自責

政有闕失于

天和感召不爽洵至理齊豫已冰渥膏敷德州河間  
均被災獨餘京師欠滋榮三輔周環數百里冬雪春  
雨總稀疎種麥歉收種禾俟萬民何咎一人愆德薄  
才疎應受否俗儂治蔽苟訟繁未能調燮失道揆  
昊象昭明心戰兢側席不遑惟敬企成湯六事幾倍

之內省慙惶凜

顧諟

山田

塞外蒙古牧馬地舊俗不知耕稼事我朝聲教遠覃  
敷

皇考特命州縣置山田開墾佃戶招春種秋收遍蕃  
植遂令沙漠變膏腴坡陀溪澗萬寶積淳風亦因此  
漸更田獵弧矢畧廢棄因時制官使由之

聖人心不可思議

海嶽開襟放歌

洪荒開闢乾坤鑿日晝月夜明兩作喬嶽基於土一  
坏滄海始於水一勺人爲物靈合三才聖王治理調  
六幕中和位育贊樞機九有羣生大君託年康物阜  
襟抱開憂其憂而樂其樂殿額標題意在茲豈耽豫  
遊愛溪壑

幽風時序歌

后稷教民知稼穡敦崇節儉足衣食卜年七百創鴻  
基業勤事備垂法則載陳舊俗惟周公八章聯貫吟  
豳風終歲辛劬戒逸忘思艱圖易臻大同仲冬月卽  
一之曰有周建子黃鐘律感發風寒遍嚴凝于貉爲  
裘奉尊秩季冬栗烈氣益寒習武同民儆晏安寓戰  
於獵訓軍士載纘駿烈咸桓桓田車四牡皆紛集私  
豳獻研明等級恰值水澤腹堅時河水鑿取沿井邑  
曰在北陸納凌陰亟修耒耜農事臨維孟之春力田



始敦俗務本著訓深饋餉南畝紛舉趾耕作勤勞田  
畷喜朝覲出水達陽和羔韭薦新隆典祀春日遲遲  
欣載陽倉庾林際調笙簧蠶月應候婦功屆執筐陌  
上求柔桑清和首夏景光澹平坂秀萋如碧毯蟠蜩  
夏響枝幹棲蚣蝥動股氣機感壁中振羽潛莎雞溫  
風溽暑驕陽低品彙成熟樂滋育鬱莫同食時序稽  
大火西流炎熱捨伯勞鳴林蛩在野巾絺獻瓜考禮  
經露葵在菽載周雅嘉禾可穫占豐穰知機蟋蟀鳴

虛堂就蔓斷壺佐食品依林剝棗流芬芳豫蓄桂葦  
蠶事用蕃植山澤隨地種績麻渲染爲元黃練色爲  
裳取貴重婦功已成值授衣小蠶感候在戶扉采茶  
叔苴析樗木用無棄物儉可希百穀旣成集多祐萬  
寶豐收築場圃清霜降原風戒寒隕擇飛蓬木葉舞  
蟄蟲林下深潛蹤穹室墜戶以御冬乘屋功畢執宮  
役晝取宵作敢怠慵納禾滌場慶繁茂穫稻乘時釀  
清酎躋堂依序禮不違敬舉兕觥介眉壽紀月以日

取義精陽主生物陰主成春日蠶月文並載剛柔相  
濟四序平學詩曷敢云有獲偶讀幽風懷往迹自天  
子至於庶人克勤克儉誠敬積一日之中十二時逸  
則淫而勞則思王業艱難守不易作歌自警安丕基

### 清源堂歌

衆水東注派萬殊湯湯浩浩洪波趨導堙疏滯務通  
暢源清流潔功效符大本旣端羣軌率治河治人理  
原一君心無欲元氣和官吏不貪庶民謚仰誦

奎章增慕忱堂額

垂訓精義深從欲以治在克己返躬修德源頭尋

清怡書屋吟

水程逐日御舟移春容明秀涵綠漪停帆早泊揚芬  
港行殿詢政封章披民生疾苦務體察疆吏覲見勤  
疇咨勅幾餘暇步芳渚溪邊書屋清且怡拈題抒思  
寫真景娛情下筆非妍詞花舒錦綺迎旭燦禽哢笙  
簧穿柳枝化機點綴最佳妙厭聽歌管除遊嬉境處

富貴心淡泊隨遇而安無不宜

普陀宗乘之廟瞻禮紀事

大聖人首出御世王道禪修非二致外藩萬部所歸  
心振興黃教欽

睿智仿建招提北山崖膜拜環瞻悅遠懷抒誠愛戴  
奕禩暨

高皇聲教恢無涯轉世相沿多詭譎除弊

特命金瓶掣決疑定衆順其情鴻文巍煥喇嘛說宗









祇劫是性長存存惟

皇歛福錫福遍遐邇尙翹頓動各得涵天真

清蹕五臺五疊九言句妙光慈佛同證菩提論無量  
功德必得無量壽年豐民阜上瑞垓埏陳

帝恩優渥佛力交感召兵銷遠徼象教光千春

皇清文頴續編卷首五十一

御製詩

五言律詩

平定兩金川大功告成恭紀

聖武昭天表

皇仁溢域中衛民安徼遠靖逆憫番窮五載勞

宸斷東郊奏枚功師旋歌凱樂篤祐慶方隆

受降踰十載構釁逞凶頑濟惡戕同類陰謀擾遠蠻

天聲揚玉壘兵勢壓桃關水火成狼狽軍行破險艱  
地據山川險摧堅我武揚老羌擒敵餘逆獍肆猖狂  
整隊干城勇增兵勁旅良旬餘收趨拉士氣倍騰驤  
透險礮摧破攀空更越濠夾河堅豎柵奪隘奮揮刀  
梵宇留殘焰山梁據斷鼇勒圍傾一窟秋滿月輪高  
西里軍聲振環攻賊勢窮乞降羅幕下奪魄陷圍中  
飲斷溪流碧雷轟礮火紅猱獮成就縛俘獻慶成功  
歲事告

珠邱豐功盛典脩觀

光揚

遠烈繩

武顯

神謀翠罕纜回薊紅旗捷過邛朝來

宸望慰六幕暢

皇猷

法駕備東巡

恩敷岱岳春祝

釐扶

輦上

纘武薦禋申

祇謁羹牆肅銘功宛委新和聲鳴愷樂

文教盛彬彬

師旋郊勞典今日慶重康

乾隆庚辰仲春廿七日郊勞西師凱旋將士今勞旋

帥於孟夏

廿七日

拜

賜園壇禮揚歡奏凱聲設戈寧海宇抱

膝荷

恩榮偃武從茲始敷天樂太平

西陲功底定

徽典裔皇遵

璿寶

躬親薦

瑤箋

拜肅陳

慈寧千祺慶

懿豫億年春九醞芬康爵

承

歡燕譽新

膚功欣奏凱勁旅盡干城奮勇資羣力抒忠獨秉誠

酬庸

頒上賞圖績表西征五等邀

光寵

恩叨奕世榮

軍行資帑藏閭里免供輸歲事

皇恩沛蠲租衆志愉二農沾

惠愛萬姓慶昭蘇

渥澤寰區浹懽聲中外孚

申討因除暴勲成典禮豐軍書勞



運策勝績賴輸忠萬里

神幾燭千春

惠化通應

天綿

福履

立極億年崇

謁

陵恭紀

開基超濬哲翼

聖定瀛寰松柏蒼龍蓋罔巒白玉環雲初縣奕禩水

火拯痾瘵

慈德垂深厚瞻依涕自潛

鼎湖龍去遠定鼎共尊親

軒紀昭垂久

堯勲化育神江山初創業宇宙遂常新在宥同醇化

縣長萬世仁

無疆含厚德

太妃嗣

徽音育

聖垂虹渚和薰鼓

舜琴璿源流廣大星海積高深奕葉蟠根盛年年松

柏心

垂拱辰居北

重光日出東六旬

天自健千聖

道彌隆仁義心脾浹松雲氣象雄曾孫同祇謁感涕  
望

蒼穹

乘雲攀

御晚繞膝侍

歡難未逮春光藹尤驚秋露寒

萱莪逝水慟烏鵲繞枝安欲去于回首依依淚不乾

十一月十八日蒙

恩賜居毓慶宮恭紀

毓慶髫年宅蒙

恩復

賜居景仁欽

聖澤繼德煥

宸書苞茂欣宜爾敬勤敢忽諸斯干叶絃管喜氣滿  
庭除

繼德堂

大德愧難繼仰瞻祇自慚  
寅恭寸心凜

恩澤萬方覃城市春光滿  
肖翹生意含授時思曰肅  
畿甸溥和甘

賜居長春仙館恭紀

毓德鐘祥地年光六十過

賜居沐長慶承

澤應春和孔固徵無極  
斯干叶有那開韶冬喜氣淑

藹播笙歌

宋徽宗蠟梅山禽

山禽矜逸態梅粉弄輕柔  
書畫一時絕輿圖半壁休  
北庭慚進酒南渡枉垂旒  
殷鑒懷前事娛情意不留

松

老幹依瑤砌寒濤入耳深  
山中風雨夢歲晚雪霜心  
逸韻連宮漏喬枝挺上林  
禁垣塵不到野鶴漫追尋

賜居繼德堂恭紀

福地開苞茂承

歡沐澤初紀

恩欽

聖孝繼德仰

宸書堂構千春固川原九夏舒思艱勉繩

武綏遠意殷予

戒得堂敬紀

戒得齋論著立言闡



聖心重由前後記永示帝王箴

刻璽貽謀遠

名堂垂訓深敬承昭法守繼述寸誠欽

頤和書室自箴

頤和得真趣書室舊時名坦蕩光風爽圓靈霽月明  
有容德乃大無我聖之清虛受衆美具欽哉慎滿盈

頤朔

時憲周花甲靈臺再紀丁

祖壽

孫衍箴

父教子趨庭鳳詔頒王朔遐方仰大廷瑤編輝八月  
常見老人星

十月六日率王公大臣等

皇父前行禮敬紀

緬憶懸弧始庚辰十月初

予生於乾隆庚辰歲  
御園內天地一家春

恩實超古稱慶益慚予旭影輝珠閣香風裊玉除誕

敷

仁壽宇率祝集簪裾

至後天不老書房作

昔日絃歌地重來已隔年隨兄懷雅訓勗弟勉成賢

師友三天聚

御園皇子讀書處前層檐額曰前垂天  
既中層額曰中天景物後層額曰後天

不老謂之三天

兒孫

蓋卽本此也

五代全都蒙

皇父澤惇敘國恩綿

詠時辰表

晝夜功無間循環二六時  
樞機迭輪轉分刻細遷移  
絃軸迴旋妙鍼鋒遲速宜  
惜陰堪警惰精進不知疲

隨安室對雨誌喜

三月初一日

好春蒙尺澤畝畝屆新耕  
霖霖一犁足珠璣萬斛傾  
滂沱潤根抵浹洽暢勾萌  
竟日連宵沛感

恩本寸誠

三月雨收麥占符吉朔期

三才系系 卷之三  
天顏瞻有喜

帝澤沐無涯  
冬稼兆成熟  
芳郊實透滋  
人時欽敬授  
省歲訓恭寅

坐對中心喜  
虛堂碧徧舍

恩膏霑冀北  
潤景似江南  
汨汨階泉泛  
淙淙簷溜酣  
爲霖真旣足  
還願溥和甘

御園清景遍  
月額荷繁滋  
遠岫煙籠髻  
平湖霧漾漪  
柳蹊迷弱縷  
桃塢濕芳蕤  
謝

澤仍祈繼寸衷綏屢期

松窗晏坐有會

觀人先鑒我察理自安心常使天君泰能消俗慮侵  
危微片時判操舍寸田尋晏坐松窗下綠陰看漸深  
古香齋讀書聽泉

樂性宜經史嘉言往聖存討論知淺陋疏濬得淵源  
游藝詩書府安心道義門幾餘探古籍敷政此根原  
觀水喻勤學盈科迅不停濺溪波蕩漾激石韻清冷

汀角蘋分綠池邊苔綻青更宜新雨足雅操靜中聽  
暢遠樓晚眺

宿雨收天上新晴風景佳開奩秋水淨出沐晚山排  
年稔愜農願功成慰

帝懷樓名符暢遠黔蜀蕩氛霾

碧鮮淥淨

鏡水淥且淨幄林碧更鮮陰森遍喬木澹沱俯清漣  
風皺層波疊月篩密蔭連攤書聊倚石愛聽出山泉

牡丹臺

獨冠羣葩首殿春  
初夏開紛敷徧瑤砌  
層疊布瓊臺  
蕊放風徐轉  
花滋雨細催  
漫言洛陽郡  
何地少竒才  
植物百年久

仁皇昔列筵  
花沾深雨露  
臺繞舊雲煙  
惟

聖能知

聖承

天益敬



天瞻臨念堂構惕若重仔肩

一片雲

至靜原無象何來一片雲隨風方蕩漾出岫倏氤氳  
爲雨萬民福麗天五色文九霄懸皎日奚必幻紛紜

生秋詩二十首用元微之韻

有序

拈新題而飛翰製倣

堯文拾舊韻以摛華格仍唐律撫時發興歲云秋而  
五字成章對景據懷觀其生而廿篇分詠爾其

氣迴玉塞啟北戶以招涼政

訓璿宮協西成而執矩盼風傳捷信勁入琬弓喜雨  
送宵聲香攢碧穗亘晴光於傑閣青堆峭崿千  
層含沼影於精藍紅散芙蕖萬柄丹黃列樹接  
遠色於寒蕪琴筑鳴泉合清音於濤籟高挹乘  
槎河迥瑤階統素消閒靜聞警露山空釵砌蒼  
吟互答凡此當前物象應候宜人總教卽事敷  
陳會心得句目覩火流駟見吹緹管而欲探陰

陽思艱送暑迎寒驗衢謠而無忘作息云爾

何處生秋早秋生塞苑中在金著月令流火紀豳風

林拂高颺爽花含玉露融

元音四時運勉繼韻賡叢

何處生秋早秋生

訓政中傳心思繼序敷澤欲同風彌凜

言難紹深慚化未融

敬勤昭大本高曜燭卑叢

何處生秋早秋生望信中師行昭衆正

巽命迅雷風鹿走窮林困螢熠皎日融西南騁遠目  
喜信度蠶叢

何處生秋早秋生習射中

詰戎勤武備觀德暢雄風七札矢能徹六鈞弓正融  
晚涼同較藝爽籟度林叢

何處生秋早秋生夜雨中階泉疊琴韻繁燭颺簾風  
田稼滋應遍仙莊景益融明晨祈曰乂盡斂濕雲叢

何處生秋早秋生多稼中  
千畦曝皎旭萬頃颺金風  
晴益黍禾茂雨增土脈融  
西成期大有場圃積叢叢  
何處生秋早秋生暢霽中  
林開三里霧荷透一溪風  
雲散峯巒淨日烘泥潦融  
宜暘利馳騎飛報殄邪叢  
何處生秋早秋生高閣中  
檻憑衆木蔭窗納四山風  
騁目欣樓迴臨池趁墨融  
籌幾同

父念速靖亂民叢

何處生秋早秋生青嶂中  
快晴雲返岫送爽霧隨風

淨挹峯屏迴潤添林幄融漸看葉微脫霜未降深叢  
何處生秋早秋生碧沼中層波增夜雨疊浪捲西風  
影靜溪汀徹香浮荷芰融蓼洲將送鴈遠信點蘆叢  
何處生秋早秋生古寺中和光叅指月不動悟旛風  
未覺根塵淨奚能色相融龕前彌勒笑密葉又辭叢  
何處生秋早秋生荷渚中花明烘曉日香遠逗商風  
子結碧蓮徧珠擎綠蓋融採菱歌乍起雲水合遙叢  
何處生秋早秋生萬樹中繁枝搖爽籟密葉舞迴風

著色霜遲降含滋露尚融  
年年觀代謝莫漫感飄叢  
何處生秋早秋生庶卉中  
枝柔初浥露蕊細不禁風  
弄影閒庭悄飄香暗砌融  
東籬先訂約飽看傲霜叢  
何處生秋早秋生玉瀑中  
懸崖簾濺雨挂壁練搖風  
河漢九霄映珠璣萬斛融  
盈科仍就下溪壑灌羣叢  
何處生秋早秋生松籟中  
千尋翻逸韻萬壑漾長風  
濤捲重嵐拂釵縈古黛融  
蒼顏欣益健直接歲寒叢  
何處生秋早秋生銀漢中  
女牛耕共織箕畢雨兼風

印月明河朗含星玉練融閒庭羣乞巧歡動綺羅叢  
何處生秋早秋生紈扇中卷舒半輪月披拂四窗風  
爽挹五明透墨凝六角融指揮常在手豈使歎離叢  
何處生秋早秋生鶴唳中涼增五夜露響徹九臯風  
三島神遊合千年夢境融仙籟初學舞和答隔芳叢  
何處生秋早秋生蛩語中鳴階應商律在野感涼風  
露重音彌潔苔輕韻更融寒宵勤促織唧唧透莎叢

澹軒



心遊於澹泊遇事必精詳光斂水中月花探鏡裏香  
幻真總無著物我兩相忘目送飛鴻影橫雲字一行

望雙塔山

雙塔矗雲際何年靈鷲來若聞鈴替戾永鎮嶺崔嵬  
示相全超劫凌空不染埃浮圖天造就土木漫凝胎

幻花十二詠

有序

般若禪宗性兼示相闡扶世界幻孰非真蓋元  
始以一故神惟太極從兩而化現百昌之變變

偶寓虛空總萬彙之生生要歸實際於文則花

從化假前本無徵

花字古文皆作華自南北朝以上經典皆然考北魏太武

帝始光二年初造新字千餘頒

為楷式花之從化當防於是時以義則幻託么

旁 么說文小也徐

後纔見質溯昔天扉翔體原

詹事張鵬

八題自詡新裁寵邀

翀字天扉

雲陞俯賡四韻都超原唱已聽鈞韶於

帝所觀茂以加乃稽繁薈於人間類猶可廣則有霏

來三界著體不霑落向五臺寄生無礙現商卿

於軒蓋芝采重飛粲跼鄂於汜書穀精六出祀  
薊秬黍苞葶胚未泮而藏潔映轆轤結撰受不  
窮之養潑硯田而播馥旣四照棻鋪助筆陣以  
揚麩亦十華騰奮又若匳開容豔洩芳詆於春  
宵鐫淬蓮瑩湛英姿於秋水按圖欲索圓窰試  
訪綺叢厥壤可遊華胥續尋繡谷竹爐閒煮耐  
重兒蠟面呈紋翠釜徐熬馬思哥酪皮生纈斯  
皆化工之別格非關氣母之元胎憑廿四番風

信齊吹弗勞旂護縱十二回月華遞照難向輪  
收爲謝爲開同超象外如泡如影各住空中顧  
穆穆元機何非大道卽詹詹物態豈盡小言淨  
心地而翦方萌之蓓蕾順情田則培未發之藟  
菴和以天倪衆香可國盡其物性萬族同春別  
有會心乃長言之不足豈伊玩物尚結習之未  
忘要惟叅大造之中涉焉成趣奚必謂六合之  
內論而不存也哉

天花

梁僧法雲講次天花散墜清涼山產寄生充茹願襲其名是一是二亦既參之

高僧宣秘密上品普門開法雨霏三界天花布五臺

彌空皆色相落地染塵埃名託實無礙因從幻想來

雲花

觸石生膚寸合王融樂府云澤雨散雲花消息微矣

葩瑤凝瓊瑤無根觸石生林端拖片片峯頂吐英英

彩疊霞標燦香飄月鏡瑩繁滋培雨露復旦喜歌卿

雪花

草木花多五出雪花獨六出說見韓詩外傳

六出花霏妙同雲結構成迷漫飄素蕊重疊撒瓊英

資始麥爭茂含章梅益榮銀葩敷上苑萬樹報春生

冰花

西陽雜俎紀河陽黃魚池冰作花如額錢俶宮中詞有小池寒欲作冰花之句

雪花降天冰花

湧地可對待矣

浪花拖萬壘沍凍結堅冰簇簇成紋細層層似纈疑

開區瑤萼潔映鏡玉英憑冷豔消枝幹春波綺縠騰

井花

本草井花水平旦第一汲者令人好顏色曉服雲英漱井花則白樂天句也碧

甃銀瓶甘香受不窮之養

未可繪聲可無繪色耶

井養義經述花探碧甃中一泓芬透月百丈影懸空

意蕊潤無盡心苗汲不窮駐顏飲平且餐菊可同功

墨花

李長吉歌端溪紫石硯紗帷畫暖墨花春極形墨硯相融之趣當與江淹毫端

一國芳  
豔也

墨花抽妙穎培植硯田寬播馥霏烟霧揚蕤舞鳳鸞

豔生抒性海香漾疊文瀾倘入江淹夢輝聯五色翰

鏡花

庾信詩窗影鏡花搖駭賓王詩鏡花搖芰日鏡空似心花繁似物澄鑿品彙當

作如  
是觀

心鏡磨清潔空花發寸莛妍媸因逐想真幻影隨形

結處無根蒂尋來泯色馨大圓輝四照涵育徧羣靈

劍花

劍花秋蓮光出匣太白亦本  
薛燭純鈎如芙蓉始出語

純鈎誠利器出匣現芙蓉吐豔開無葉藏輝用及鋒

蓮光秋挂漢寶氣夜從龍枝蔓隨風落一揮邪靖蹤

畫花

寒壁畫花開亦庚信句也畫旣著壁花  
復托畫似非幻矣乃其開結撰自人心

宣染出工

手烏得真

畫自毫端寫花從意匠成色香因想結枝葉逐心生

烘染能增豔榮枯不繫情春光滿寒壁妙繪暢勾萌



夢花

獨異志馬融勤學夢林花如錦摘食之及寤見天下文詞無所不知時號繡囊

斯花也其幻

中之幻乎

勤學精誠洽林花入夢看聞香疑化蝶服媚定徵蘭

栩栩如隨舞垂垂若可餐至人掃枝蔓一枕黑甜安

乳花

茗自有花不中瀹葉初芽為乳乃其精膜以湯三沸酌置盃令沫餽均細輕者

曰花崔珣詩松雨聲來

乳花熟是為煮茶清趣

佳茗摘芽細酌泉竹鼎烹乳花浮綠片嫩蕊茁金英

沫餽

沫餽湯之花也薄者曰沫厚者曰餽

雪凝脚甘芳松颺聲清香騰

蟹眼火候辨詳精

酥花

梵書以醍醐喻佛性從乳出酪從酪出酥從生酥出熟酥乃出醍醐生熟相煎

時油成花纈喻性尚去醍醐一間宜爲幻花之殿云

乳酪相煎妙調和生熟酥結英去塵滓貫頂醍醍酥  
生纈虛疑實拈花有若無羣芳皆幻相五色筆端敷

曉鴉

烹微動曙色幾陣噪宮鴉接翅排雲起依羣拂月斜  
暫辭金鳳闕聊集野人家蓬戶誰高卧驚眠不耐譁